

Na osnovu člana 8. i 13. Zakona o principima lokalne saomuprave u Federaciji BiH ("Službene novine Federacije Bosne i Hercegovine", broj 49/06 i 51/09), člana 13. i 19. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Novo Sarajevo na 12. sjednici održanoj 31.10.2017. godine, donijelo je

ODLUKU

o pristupanju izradi Elaborata o opravdanosti reorganizacije postojećih mjesnih zajednica na području općine Novo Sarajevo

Član 1.

Pristupa se izradi Elaborata o ustrojstvu mjesnih zajednica na području općine Novo Sarajevo (u daljem tekstu „elaborat“).

Član 2.

Cilj izrade Elaborata je analiza postojeće organizacije mjesnih zajednica, ispitivanje potreba građana te ekonomska opravdanost postojeće organizacije.

Član 3.

Općinski načelnik će provesti proceduru odabira pružaoca usluge izrade Elaborata u skladu sa Zakonom o javnim nabavkama.

Član 4.

Projektni zadatak za izradu Elaborata će definisati radna grupa koju sačinjavaju tri člana Komisije za odnose sa mjesnim zajednicama i javna priznanja Općinskog vijeća Novo Sarajevo i dva člana koje će imenovati Općinski načelnik.

Član 5.

Odabrani pružaoac usluge izrade Elaborata će pripremiti Nacrt elaborata i podnijeti ga Općinskom načelniku i Komisiji za odnose sa mjesnim zajednicama i javna priznanja Općinskog vijeća Novo Sarajevo, najkasnije 45 dana od dana potpisivanja ugovora sa pružaocem usluga.

Član 6.

Elaborat će proći proceduru nacрта, javne rasprave i prijedloga koji će biti dostavljen Općinskom vijeću Novo Sarajevo na razmatranje i usvajanje.

Član 7.

Ukoliko se Elaboratom dokaže potreba za reorganizacijom mjesnih zajednica, Općinsko vijeće će donijeti Odluku o obrazovanju mjesnih zajednica na području općine Novo Sarajevo i Odluku o raspisivanju izbora članova savjeta mjesnih zajednica, na području općine Novo Sarajevo.

Član 8.

Sredstva za izradu Elaborata će biti obezbjeđena u Budžetu Općine Novo Sarajevo.

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj: 01-02-829/17
Sarajevo, 31.10.2017. godine

